

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Gautegiz-Arteagako Udala****Kirola, euskara, musika eskola eta haurreskolako diru-laguntzak eskatzeko 2020ko deialdia.**

Urriaren 30eko 132/2020 Alkatetzaren Dekretuaren bitartez onartu da kirola, euskara, musika eskola eta haurreskolako diru-laguntzak eskatzeko 2019-2020 ikasturteko deialdia:

**KIROLA, EUSKARA, MUSIKA ETA HAURRSKOLARAKO DIRU-LAGUNTZAK
ESKATZEKO 2020KO DEIALDIA****1. Xedea**

Honakoaren xedea da Gautegiz-Arteagako bizilagunek egindako kirol gune, euskara ikastaro, musika ikastaro eta haurreskolako matrikula edo abonua diruz laguntzeko baldintzak arautzea, Gautegiz-Arteagako Udalaren Laguntzak arautzeko Ordenantza oinarritzat izanik (Bizkaiko Aldizkari Ofiziala 18 zenbaki, 2009ko urtarrilaren 28koa).

2. Aurrekontua

Gautegiz-Arteagako Udalak 8.400,00 euroko aurrekontua izango du onartutako eskabide guztien artean banatzeko.

Baldin eta eskabideak aztertu eta gero, diru-laguntza honetarako Udalak aurreikusitako diru kopurua baino kopuru handiagoa ateratzen bada, lortutako zenbatekoaren eta eskura dagoen diruaren arteko diferentzia zatituko da diru-laguntza jasotzeko eskubidea duten eskatzaile guztien artean.

3. Diruz lagunduko diren ikastaroak eta zenbatekoak

— 1. mota: *Herri kiroldegiak*. Diruz lagunduko den zenbatekoa erroldatuen abonu-tarifen eta Gautegiz-Arteagan erroldatuen abonu-tarifen arteko aldea izango da, jarduera hori Gautegiz-Arteagako udalerrian egiterik ez badago.

— 2. mota: *Euskara-ikastaroak*. Diruz lagunduko den zenbatekoa ikasturteko euskara-ikastaroen matrikularen prezioaren %50 izango da eta barnetegi matrikularen prezioaren %20 izango da.

— 3. mota: *Herri musika eskolak*. Diruz lagunduko den zenbatekoa erroldatuen abonu-tarifen eta erroldatu gabeen abonu-tarifen arteko aldea izango da.

— 4. mota: *Gautegiz-Arteagako Haurreskola*. Gautegiz-Arteagako Haurreskolan matrikulatzen diren haurrek %50 dirulaguntza edukiko dute.

4. Onuradunak

Onuradunak izango dira eskabidea egin eta aurreko sei hilabeteetan Gautegiz-Arteagan erroldaturik daudenak eta hurrengo artikuluan zehaztutako baldintzak betetzen dituztenak.

5. Baldintzak

— 1. motatako laguntzak jaso nahi dituztenen kasuan, herri kiroldegian herritik kanpo eduki behar dute matrikula egina.

— 2. motatako laguntza eskatzen dutenen kasuan, Euskadiko Autonomi Erkidegoko edozein hizkuntza-eskola ofizial, euskaltegitan edo barnegietan eduki behar dute matrikula egina eta euskarazko eskolen edota barnetegiaren %80ra bertaratu behar izan dira eta ikastaroa aprobetxatu.



– 3. motatako laguntza eskatzen duten kasuan, herri musika eskolan eduki behar dute matrikula egina eta musika eskolen %80ra bertaratu behar izan dira eta ikastaroa aprobetxatu.

– 4. motatako laguntza eskatzen duten kasuan, Gautegiz-Arteagako Haurreskolan matrikulatuta egon behar dute.

6. Eskabideak aurkezteko epea eta tokia

a) Eskabideak Gautegiz-Arteagako Udaleko Erregistroan (Herriko Enparantza, 1, Gautegiz-Arteaga) aurkeztu ahal dira jendaurreko ordutegian (9:00-14:00). Halaber, eskabideak elektronikoki aurkeztu ahal izango dira Udaleko www.gautegizarteaga.com web orriko online-izapideen atalean.

Diru laguntza nahi den 2019-2020 ikastaroa amaitu ostean edo 2020ko inskripzioen ostean eskatuko da.

Eskabideak eskatzeko epea Bizkaiko Aldizkari Ofizialean argitaratzen denetik zenbaita hasita 30 laneguneko epean amaituko da.

b) Eskaria egiteko idatzian honakoak adierazi behar dira: banketxearen izena, kontu zenbakia, kontu zenbakiko jabearen izena eta jabearen NAN zenbakia.

c) Eskatzailearen NAN eta kontu zenbakiaren jabearena bera izan behar da.

d) Eskatzailea adin txikikoa denean, eskaria egingo du guraso edo arduradunak edota onuradun adin txikikoak, beti ere, artikuluko horretan adierazitakoa betetzen badu.

7. Aurkeztu beharreko agiriak

– Eskabide orria, behar den bezala beteta. Eskabide-orria eskura dago Udaletxeko Erregistroan eta www.gautegizarteaga.com web orrian.

– NANaren fotokopia.

– 18 urte baino gutxiago duten ikasleek, eskabide inprimakia guraso edo haien tutoreek bete beharko dute eta haien NAN fotokopia aurkeztu beharko dute.

– Matrikula edota ordainketaren fotokopia edota zerbitzua eman duen erakundearen ziurtagiria, non egiaztatzen den matrikula edo ordainketa egin dela.

– Dagokion erakunderen edota organo eskudunaren ziurtagiria, non baieztatzen den eskatzailea euskarazko eskolen, barnetegiaren edota musika eskolen %80ra bertaratu dela eta aprobetxatu duela.

8. Irizpideak, ordainketa eta justifikazioa

a) Diru-laguntza eskabide-orrian zehaztutako kontu zenbakian sartuko da.

b) Eskatzailearen betebeharrak:

– «Aurkeztu beharreko agiriak» izeneko atalean zehaztutako dokumentazioa ematea.

– Matrikula ordaindua izatea.

– Egindako ikastaroen gutxienez %80ean parte hartu izana eta ikastaroak aprobetxatu izana, euskara eta musika eskolei dagokienean. Ez dira faltatzen joko agiri ofizialen bidez zuritutako ez-etortzeak.

– Udalarekin zergen ordainketari dagokionez egunean egotea.

– Bestelako diru-laguntzarik jaso bada, diru-laguntza horren zenbatekoa justifikatzea.

9. Ebazpenaren jakinaraztea

Behin eskaeren ebazpena eginda, eskatzaile guztiei idatziz jakinaraziko zaie, bide elektronikoak lehentasuna izanez, eta, ondoren, diru-kopurua emandako kontu korrante zenbakian sartuko da.

**10. Bateriaezintasunak**

Ordenantza honetan jasotzen diren laguntzak beste Administrazio batzuek emandakoekin bateragarriak dira, eta, kasu guztietan haien osagarri izango dira.

Alabaina, Gautegiz-Arteagako Udalak emandako diru-laguntzak ezin izango du, bakarka nahiz beste administrazio edo erakunde publiko nahiz pribatuetako diru-laguntzekin batera, ordaindu beharreko zenbateko osoa gainditu. Diru-sarreraren eta gastuen justifikazioan gastuak baino diru-sarrera handiagoak daudela ondorioztatzen bada, Gautegiz-Arteagako Udalaren diru-laguntza soberakina besteko diru-kopurua izango da.

Gautegiz-Arteagan, 2020ko urriaren 30ean.— Alkatea, Juan Félix Naberan Ozamiz